

26. september 2017

Inatsisartut Suleriaasianni § 37 naapertorlugu Naalakkersuisunut apeqqutit imaattut matumuuna saqqummiuppakka:

Naalakkersuisunut apeqqutit Aalisarnermut Inatsimmut siunnersuut pillugu:

Tamanna tunngavigalugu makkunanga Naalakkersuisunut apeqquteqassaanga:

1. Aningaasatigut kingunissat pillugu naatsorsuutit peqarpa aamma taakkununga naatsorsuutit tunngaviit kingumoortut suuppat aamma aningaasarsiornikkut misissuinerit taakku aalisarnermut inatsissamut nutaamut siunnersuummi tunngavigineqarsimappata taava sunamita pissutaava Naalakkersuisut taakku pillugit allattugaatit piniarnerannut itigartitsimmata?

2. Ataatsimiititaliap inuussutissarsiortunik oqaloqateqaqqusinera Naalakkersuisut malissimanerlugu, tassami Inatsisartut Inatsisaanni nr. 5-mi 21. maj 2002-meersumi agguaassinermi tunngaviit allanngortinneqarput tassani avataasiortunut sinerissamullu qanittumi aalisartunut TAC-p agguarneqartarnera allanngortinneqarpoq 2001-mi decembarimi KNAPK aamma APK-p isumaqatigiissuteqarnerat tunngavigalugu.

3. Taarsiiffigitinnissamut inatsisinut tunngatillugu aalisarnermut inatsisip nassataanik ajornartorsiutaalersinnaasut Naalakkersuisut illup iluani ungataasiittunulluunniit inatsisilerituunut nalilersortissimanerlugit taamaassimappallu taarsiiffigeqqulluni piumasaqaatit qanoq annertutigisinnaasut eqqartorneqarpat?

Tunuliaqutaa

Aalisarnermut Inatsit nutaaq tusarniutigalugu nassiunneqarnikuuvoq naak aningaasatigut kingunissai kiisalu taarsiivigineqarsinnaanermut inatsisit atorneqarsinnaasut inatsisissatut siunnersuummi tunngavigineqartut pillugit tusarniaavigineqartut/innuttaasut paasitinneqarnikuunngikkaluartut. Ilaatigut Aalisarnermut, Piniarnermut Nunalerinermullu Ataatsimiititaliap isumaliutissiissutaani UPA 2017/115-mi erseqqissarneqarpoq pingaaruteqartoq Aalisarnermut Inatsisip allanngortinneqarnissaa aningaasatigut kingunissat pillugit naatsorsuutit tunngavigalugit. Tamatuma saniatigut Ataatsimiititaliap Naalakkersuisut kaammattornikuuai soqutigisaqaqatigiit kiisalu aningaasaliisartut attuumassuteqartut akuliuteqqullugit kiisalu siunertaq taamatullu suliap imai ammasumik pissuseqarfigineqassasut.

Ataatsimiititaliap isumaliutissiissutaani piumasarineqarpoq inatsisip aningaasatigut kingunissai uppersarneqassasut "sukumiisumik misissuinnikkut". Aamma isumaliutissiissuummi tassani takuneqarsinnaavoq, inatsisissatut siunnersuummut nassuiaat suliarineqarsimasoq - imaluunniit suliarineqassasoq.

Tassunga ilanngullugu Ataatsimiititap maluginiarpaa manna ”Tassunga atatillugu ataatsimiititaliap eqqaamallaqquaa, avataasiortunik umiarsuaatileqatigiit agguasseriaatsip allanngortinneqaratarsinnaaneranut qanoq qisuariarnissaat siunnersuutip uuma nalornissutigineqarneranut attuumassuteqarunarmat. Tassunga atatillugu ataatsimiititaliap oqaatigerusuppaa, agguasseriaatsip allanngortinneqarneratigut avataasiortunik umiarsuaatileqatigiit qanoq qisuariarnissaat siunnersuut pillugu nakorninermut ataatsimut isigalugu annertuumik attuumassuteqarpasimmat. Tamanna ima paasineqassaaq, tamatuma malitsigisaanik kingornatigut sunniutaasussat pillugit imaassinnaasoq aningaasatigut taarsiiffigineqarnissaq pillugu Namminersorlutik Oqartussat eqqartuussivimmut tunniunnissaat umiarsuaatileqatigiinnit toqqarneqarmat. Taamaattumik ataatsimoortumik isumaqatigiissuteqarsinnaaneq iluaqutaalluarsinnaagaluarpoq - soorlu aallaqqaammut 2001-mi isumaqatigiissutigineqarsimasutut - tassuunakkut agguasseriaatsip allanngortinnissaa pillugu Namminersorlutik Oqartussat inuussutissarsiortullu ataatsimoorussamik siammasissumik isumaqatigiissuteqarsinnaammata.

Ataatsimiititaliap UPA2015/19-mili Naalakkersuisut ”Raajanut qaleralinnullu akuersissutit killeqanngitsumik piffissalerlugit pigineqartarnerisa aalisarneq pillugu Inatsisartut inatsisaat nr. 18, 31. oktober 1996-imeersumi § 14 atorlugu ukiunik tallimanik sioqqutsisumik ilimasaaruteqarnikkut killilerneqartalersinnaanerit pillugu - aningaasaqarnikkut kinguneqaatissat ilanngullugit - misissuinermik saqqummiussinissamut Naalakkersuisut siunnersuutikkut peqqaat”

UPA2017/115 aqutigalugu Ataatsimiititaliap isornartorsiorpaa, misissuinissap tamatumap piviusunngortinneqarsimannginnera.

Aalisarnermut Inatsit nutaaq tusarniutigalugu nassiunneqarnikuuvoq naak aningaasatigut kingunissai kiisalu taarsiivigineqarsinnaanermut inatsisit atorineqarsinnaasut inatsisissatut siunnersuummi tunngavigineqartut pillugit tusarniaavigineqartut/innuttaasut paasitinneqarnikuunngikkaluartut. Ilaatigut Aalisarnermut, Piniarnermut Nunalerinermullu Ataatsimiititaliap isumaliutissiissutaani UPA 2017/115-mi erseqqissarneqarpoq pingaaruteqartoq Aalisarnermut Inatsisip allanngortinneqarnissaa aningaasatigut kingunissat pillugit naatsorsuutit tunngavigalugit. Tamatuma saniatigut Ataatsimiititaliap Naalakkersuisut kaammattornikuuai soqutigisaqaqatigiit kiisalu aningaasaliisartut attuumassuteqartut akuliuteqqullugit kiisalu siunertaq taamatullu suliap imai ammasumik pissuseqarfigineqassasut.

Ataatsimiititaliap isumaliutissiissutaani piumasarineqarpoq inatsisip aningaasatigut kingunissai uppersarneqassasut "sukumiisumik misissuinikkut". Aamma isumaliutissiissuummi tassani takuneqarsinnaavoq, inatsisissatut siunnersuummut nassuiaat sularineqarsimasoq - imaluunniit sularineqassasoq.

Tassunga ilanngullugu Ataatsimiititaliap maluginiarpaa manna *"Tassunga atatillugu ataatsimiititaliap eqqaamallaqqaaa, avataasiortunik umiarsuaatileqatigiit agguaasseriaatsip allanngortinneqaratarsinnaaneranut qanoq qisuariarnissaat siunnersuutit uuma nalornissutigineqarneranut attuumassuteqarunarmat. Tassunga atatillugu ataatsimiititaliap oqaatigerusuppaa, agguaasseriaatsip allanngortinneqarneratigut avataasiortunik umiarsuaatileqatigiit qanoq qisuariarnissaat siunnersuut pillugu nakorninermut ataatsimut isigalugu annertuumik attuumassuteqarpassimat. Tamanna ima paasineqassaaq, tamatuma malitsigisaanik kingornatigut sunniutaasussat pillugit imaassinnaasooq aningaasatigut taarsiiffigineqarnissaaq pillugu Namminersorlutik Oqartussat eqqartuussivimmuut tunniunnissaat umiarsuaatileqatigiinnit toqqarneqarmat. Taamaattumik ataatsimoortumik isumaqatigiissuteqarsinnaaneq iluaqutaalluarsinnaagaluarpoq - soorlu aallaqqaammut 2001-mi isumaqatigiissutigineqarsimasutut - tassuunakkut agguaasseriaatsip allanngortinnissaa pillugu Namminersorlutik Oqartussat inuussutissarsiortullu ataatsimoorussamik siammasissumik isumaqatigiissuteqarsinnaammata.*

Ataatsimiititaliap UPA2015/19-mili Naalakkersuisut *"Raajanut qaleralinnullu akuersissutit killeqanngitsumik piffissalerlugit pigineqartarnerisa aalisarneq pillugu Inatsisartut inatsisaat nr. 18, 31. oktober 1996-imeersumi § 14 atorlugi ukiunik tallimanik sioqqutsisumik ilimasaaruteqarnikkut killilerneqartalersinnaanerat pillugu - aningaasaqarnikkut kinguneqaatissat ilanngullugit - misissuineramik saqqummiussinissamut Naalakkersuisut siunnersuutikkut peqqaat"*

UPA2017/115 aqqutigalugu Ataatsimiititaliap isornartorsiorpaa, misissuinissap tamatumap piviusunngortinneqarsimannginnera.